



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1859

LIV. Die von dem Knesebeck verlaufen dem Kloster Diesdorf das
Wendische Dorf Rüstenbeck, am 10. November 1350.

Nutzungsbedingungen

[urn:nbn:de:hbz:466:1-54934](https://nbn-resolving.org/urn:nbn:de:hbz:466:1-54934)

LIV. Die von dem Kneſebeck verfaufen dem Kloſter Dieſdorf das Wendifche Dorf Rūſtenbeck,
am 10. November 1350.

Nos Paridamus, Georgius, Wasmodus, Johannes, Anno, fratres, filii Paridami, militis, dicti de Kneſebeke, recognoscimus tenore presentium publice protestando, Quod cum consensu et voluntate Wasmodi, patris nostri, morantis in Brome, Ludolfi et Henningi fratrum, patruorum nostrorum, Boldeuini, Johannis, fratrum, Harnidi rufi, filii Harnidi, dicti de Kneſebeke, ac Paridami Ploten ac omnium heredum nostrorum, quorum interest ac interesse poterit quomodolibet in futurum, Honorabili domino, domino Olrico preposito, Mechtildi priorisse et conuentui monasterii in Distorp totam villam Slauiſalem Ruſtenbeke cum omni iure, aduocacia, fructibus, pertinentiis, agris cultis et incultis, siluis et nemoribus, pratis, pascuis et aliis quibuscunque qualitercunque ad dictam villam pertinentibus iure hereditario a nostris progenitoribus et nobis hactenus habitam et possessam, pro septuaginta duobus marcis Stendalgenſis argenti nobis ab ipsis promte ponderatis in argento et in nummis numeratis et solutis et in nostram utilitatem conuerſis, vendidimus iure hereditario iugiter possidendam, plenam warandiam, prout de consuetudine hereditaria bona sunt warandanda, ipsis in omnibus et singulis prestaturi. Verum si prefati dominus prepositus, priorissa vel conuentus aut eorum successores a nobis, nostris heredibus vel et aliis quibuscunque nostro nomine in dicta villa et aliis quibuscunque pertinentiis impediti fuerint, quod absit, Nos Paridamus, Georgius, Wasmodus, Johannes, Anno, fratres, Wasmodus, Ludolfus, Henningus, Boldeuinus, Johannes, Harnidus, patris nostri, dicti de Kneſebeke ac Paridamus Plote, predicti famuli, postquam requisiti fuerimus ad disbrigandum bona predicta et alia quecunque ipsa tangentia, infra quindenam oppidum Vlfen intrandum, nostris sub laboribus et expensis, inde nequaquam egressuri, donec premissa per nos communiter vel diuisim vel nostros heredes obseruata fuerint, erimus firmiter obligati, prout hec omnia et singula domino preposito, priorisse, conuentui fide manuali in solidum prestata promittimus in his scriptis. Et nos Wasmodus, Ludolfus et Henningus, Boldeuinus et Johannes, Harnidus, dicti de Kneſebeke, ac Paridamus Plote, famuli, compromissores predictorum Paridami, Georgii, Wasmodi, Johannis et Anno fratrum, famulorum de Kneſebeke, una cum ipsis omnia predicta et singula ut predicatur in solidum fide data promissimus et promittimus in hys scriptis. In quorum omnium testimonium et obseruantiam perhennalem sigilla nostra presentibus sunt appensa. Datum Luchoue, anno domini M^o. CCC^o. quinquagesimo, in vigilia B. Martini episcopi gloriosi.